



«04» 10 2024 թ.
№ ՊՈՖ-Գրուպ-1525

«Պրոֆի Գրուպ» ՍՊ ընկերությանը
ՀՎՀՀ 05028672
ՀՀ, ք. Աշտարակ Երևանյան Շ 8/3
հեռ. +37455336666

ՀՀ պաշտպանության նախարարության և «Պրոֆի Գրուպ» ՍՊ ընկերության (այսուհետև՝
Ընկերություն) միջև 25.03.2024թ. կնքված N ԳՀԱՊԶԲ-24-10/5-8 գնման պայմանագրի
(այսուհետև՝ Պայմանագիր) շրջանակներում Ընկերությունը 2024թ. 2-րդ եռամսյակում պետք
է մատակարարեր 20 հատ արխիվի դարակաշարեր (դարակ մետաղյա 3 հարկանի) և 100
հատ կախիչներ (կախիչ պատի 5 կետ), որոնց մասով Ընկերության կողմից մատակարարումը
չի իրականացվել:

Հիմք ընդունելով Պայմանագրի 2.1.7.1 կետի «բ» ենթակետը (ապրանքի
մատակարարման ժամկետները խախտվել են 45 օր) և 6.6 կետը՝ ՀՀ պաշտպանության
նախարարությունը 2024թ. հոկտեմբերի 7-ին միակողմանի մասնակի՝ չմատակարարված
ապրանքների մասով լուծել է Պայմանագիրը:

Տեղեկացնում եմ, որ Ընկերությունը պարտավոր է սույն ծանուցումը ստանալուց հետո 5
(հինգ) բանկային օրվա ընթացքում ՀՀ ֆինանսների նախարարության կողմից բացված
գանձապետական 900005028106 հաշվեհամարին փոխանցել 11,510 ՀՀ դրամ՝ որպես
տուգանք (Պայմանագրի 6.3 կետի համաձայն) և 33,590 ՀՀ դրամ՝ որպես տույժ
(Պայմանագրի 6.2 կետի համաձայն), որը հաշվարկված է մինչև 21.08.2024թ.:

Պայմանագրի միակողմանի լուծման արդյունքում ենթակա է գանձման նաև
պայմանագրի կատարման ապահովման գումարը՝ 247,000 ՀՀ դրամ, որն անհրաժեշտ է
վճարել ՀՀ ֆինանսների նախարարության կողմից բացված գանձապետական
900005000758 հաշվեհամարին և որակավորման ապահովման գումարը՝ 137,400 ՀՀ դրամ,
որն անհրաժեշտ է վճարել ՀՀ ֆինանսների նախարարության կողմից բացված
գանձապետական 900008000664 հաշվեհամարին:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝
Մասնակիցն ընդգրկվում է գնումների գործընթացին մասնակցելու իրավունք չունեցող
մասնակիցների ցուցակում, եթե խախտել է պայմանագրով նախատեսված կամ գնման
գործընթացի շրջանակում ստանձնած պարտավորությունը, որը հանգեցրել է պատվիրատուի
կողմից պայմանագրի միակողմանի լուծմանը կամ գնման գործընթացին տվյալ մասնակցի

հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Ելնելով վերոգրյալից տեղեկացնում եմ, եթե մինչև 2024թ. հոկտեմբերի 14-ը ներառյալ Ձեր կողմից վճարվի վերը նշված 247,000 ՀՀ դրամ՝ պայմանագրի կատարման ապահովման և 137,400 ՀՀ դրամ՝ որակավորման ապահովման գումարները, ապա Ընկերությունը չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարները անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև 2024թ. հոկտեմբերի 14-ը ներառյալ ներկայացնել ՀՀ ՊՆ գնումների կազմակերպման վարչություն, 2068 սենյակ:

Տեղեկացնում եմ նաև, որ պայմանագրի և որակավորման ապահովման գումարները, ինչպես նաև հաշվարկված տույժի ու տուգանքի գումարները Ձեր կողմից չվճարելու դեպքում ՀՀ պաշտպանության նախարարությունը կձեռնարկի միջոցներ դրանց գանձելու ուղղությամբ:



Կ. ԲՐՈՒՏՅԱՆ